

ԽԱԶՆՆԻ ԻՇԽԱՆԱԿԱՆ ԱՊԱՐԱՆՔԸ

ԱՐՏԱԿ ՂՈՒՅԱՆ

Խաչենի իշխանական ապարանքի ավերակները գտնվում են ներկայիս Լիոնային Ղարաբաղի Ինքնավար Մարզի Մարտակերտի շրջանի Վանք գյուղի մոտ, հռչակավոր Գանձասարի դիմաց՝ Խաչենագետի աջափնյա անտառապատ բլուրներից մեկի վրա¹։ Այն մեզ է հասել խիստ ավերված վիճակում և գրեթե նույն տեսքն ուներ մոտ մեկ դար առաջ՝ Մ. Բարխուտարյանցի այցելության ժամանակ²։ Պահպանվել են ապարանքի պարսպի մեծ մասի հիմքերը՝ կիսավործան անկյունային բուրգերով ու դարպասով, երկու սենյակի պատերն ու ծածկի որոշ մասեր, ինչպես նաև մի քանի այլ սենյակների մնացորդներ (դժ. 1, Ա)։

Ապարանքը, որն այժմ կրում է Դարպասներ անունը, շինարարական կամ այլ արձանագրություն չունի և, որքան մեզ հայտնի է, պատմական ու վիմագրական աղբյուրներում չի հիշատակվում։ Տեղագրական երկերում այն Դարպասներ անվան տակ էլ ներկայացվում է որպես Խաչենի XIII դարի նշանավոր իշխան Հասան-Ջալալ Դոլայի ապարանք³։ Մինչև այսօր պատմիչ Կ. Գանձակեցու և այլոց հանրահայտ տեղեկությունները հիշյալ իշխանի նշատավայր խոխանագերդի մասին⁴ երբեմն վերագրվել են ապարանքին, իսկ վերջինիս Դարպասներ անունը համարվել է հետագայի ծնունդ և նույնացվել բերդի հետ⁵։ Պատճառը մասամբ այն է, որ ապարանքի ավերակներն ու դրանց հարավային կողմի անմատչելի ժառաքարձուռքին գտնվող խոխանագերդը միմյանց շատ մոտ են⁶։ Բերդը, որից շնչին մնացորդներ են պահպանվել, այժմ կրում է Թարխանաբերդ անունը⁷։

Այլ առումով խիստ կարևոր են մեկ այլ ականատես պատմիչի՝ Ստ. Օրբելյանի և հետագա այլ աղբյուրների հայտնած տեղեկությունները XIII դարի Սյունյաց իշխանների ապարանքների մասին։ Ըստ այդ աղբյուրների, Հա-

1 Ապարանքի չափագրությունները առաջին անգամ հրատարակել է Ն. Մ. Պապուկյանը։ Տե՛ս նրա «Ջալովոդ ծածկերով բնակարանների դերը և տեղը Հայաստանի հին և միջնադարյան ճարտարապետության մեջ» («Հայ արվեստին նվիրված միջազգային II սիմպոզիում», հ. II, Երևան, 1981, պատկեր 105) հոդվածը։

2 Մ. Վ. Բարխուտարյանց, Արցախ, Բաքու, 1895, էջ 181։



3 Նույն տեղում, Հ. էփրիկյան, Պատկերազարդ բնաշխարհիկ բառարան, գ. Ա, Վենետիկ, 1903, էջ 599, Բաֆֆի, Երկերի ժողովածու, հ. 10, Երևան, 1959, էջ 374, Ստ. Լիսիցյան, Լեոնային Ղարաբաղի հայերը («Հայ ազգագրություն և րանհյուսիսություն», պրակ 12, Երևան, 1981, էջ 14)։

4 Կ. Գանձակեցի, Պատմութիւն հայոց, Երևան, 1961, էջ 269—270, 313, Գ. Հովսեփյան, Խաղբակյանք կամ Պռոշյանք հայոց պատմության մեջ, Անթիլիաս, 1969, էջ 317։

5 Բ. Ա. Ուլուբաբյան, Խաչենի իշխանությունը X—XVI դարերում, Երևան, 1975, էջ 136, ժան. 25, Շ. Մ. Մկրտչյան, Լեոնային Ղարաբաղի պատմա-ճարտարապետական հուշարձանները, Երևան, 1980, էջ 21, Նույն ի՛նքն՝ Մարտակերտի շրջանի պատմական հուշարձանները («Էջմիածին», 1976, Գ, էջ 49)։

6 Բ. Ա. Ուլուբաբյան, Գանձասար, Երևան, 1981, էջ 69։

7 Մ. Վ. Բարխուտարյանց, նշվ. աշխ., էջ 98—99, Հ. Ա. էփրիկյան, նշվ. աշխ., գ. Բ, էջ 189, Բաֆֆի, նշվ. աշխ., էջ 168, Եփիմյան հայ վիճագրություն, պրակ V, Երևան, 1982, էջ 37, 74, Շ. Մ. Մկրտչյան, Լեոնային Ղարաբաղի պատմա-ճարտարապետական հուշարձանները, էջ 28—29։



Գծ. 1. ա) Ապարանքի հատակագիծը, բ) Ապարանքի դարպասը (չափագրությունը և վերակազմությունը հեղինակի)

սան-Ջալալ իշխանի փեսան՝ Սյունյաց Տարսայիճ Օրբելյան իշխանը, վերադառնալով հաշեն կատարած ճամփորդությունից, 1274 թ. նդեգիսում կառուցել է դարաբաս⁸ և վախճանվել 1290 թ.⁹ Արփայի դարապասում⁹։ Հայտնի է,

⁸ Գ. Հովսեփյան, Տարսայիճ Օրբելյանի և Մինա հաթունի սերունդը. Անթիլիաս, 1947, էջ 2-4, պատկեր 1։ Տե՛ս նաև՝ Ստ. Մնացականյան, Հայկական աշխարհիկ պատկերաբան-դակը, Երևան, 1976, էջ 136-140, Հ. Նդիազարյան, Աղիզրենկովի շրջանի կուլտուրայի հուշարձանները, Երևան, 1955, էջ 18, 58, 61։

⁹ Ստ. Օրբելյան, Պատմություն Նախնային Սիսական, Թիֆլիս, 1910, էջ 430։

որ միջնադարյան Հայաստանում դարաբաս կամ դարապաս¹⁰ (նաև՝ դարբաս, դարպաս¹¹) անվանվում էին իշխանական ապարանքները, այսինքն՝ Խաչենի ապարանքի մերօրյա Դարպասներ անվանումը նրա սկզբնական անվան փոքր-ինչ տարբերակված ձևն է։ Եվ քանի որ դրանով միանգամայն իմաստավորվում է Խաչենի ապարանքի վերագրումը Հասան-Ջալալ իշխանին, ապա տրամաբանական է դառնում ապարանքի կառուցման ժամանակը փնտրել հատկապես իշխանի տիրապետության (1214—1261 թթ.) այն տարիներին, երբ նա՝ ժառանգելով իշխանական աթոռը, ծավալում է այնքան բեղմնավոր մրշակութային ու շինարարական գործունեություն¹², որը հետագայում պիտի պսակվեր Գանձասարի հույակերտ եկեղեցու (1216—1238 թթ.) և ապա գավթի (հիմնադրումը՝ 1261 թ.) կառուցումով։ Եթե նկատի առնենք և այն, որ 1220—1240-ական թվականներին¹³ այդ գործունեությունը պարբերաբար ընդհատվում է թաթար-մոնղոլների¹⁴ ասպատակություններով և ապա երկրի զրավումով, թվում է, որ ապարանքի շինարարության հավանական ժամանակը պետք է համարել 1214—1220 թթ.։

Ապարանքի շրջակայքում գտնվող բնակատեղիները, եկեղեցիները¹⁵, գերեզմանոցը¹⁶ և այլ հուշարձաններ¹⁷ վկայում են, որ այն կառուցվել է անսահման սարալանջերին սփռված երբեմնի ընդարձակ ու բարեշեն բերդավանդի կենտրոնում՝ բնակելի, եկեղեցական և այլ բնույթի շենքերով շրջապատված մի բարձունքի վրա, որի հարավային կողմում վեր է խոյացել նրա հնավանդ միջնաբերդը՝ Խոխանաբերդը։ Ապարանքում համեմատաբար լավ է պահպանվել ուղղանկյուն պարսպափակ ամբողջության գրեթե կենտրոնում գտնվող թաղածածկ դահլիճը, որը հարավ-արևելյան կողմում ունի ուղղանկյուն խորշ (գծ. 1, Ա)։ Հարավային և հյուսիսային երկայնական պատերի պահպանված մասերը սվաղված են հատակից մինչև ծածկի թաղի անցման սահմանը, որը շեշտված է պարզ տրամատի որմնագոտիով։ Մյուս երկու պատերը սվաղված են եղել ամբողջ բարձրությամբ։ Դահլիճի թաղածածկն իրականացվել է սրբատաշ որձաքարի շարվածքով, որից պահպանվել են ստորին 4—5 շարքերը։ Ծածկն ուժեղացվել է թաղակիր չորս կամարներով, որոնցից արևմտյանը հաված է լայնական պատին և կրկնաշարք է, իսկ մյուս երեքը չորս հավասար մասի են բաժանում դահլիճի երկարությունը՝ ներառյալ խորշը։ Թաղակիր կամարները կառուցվել են 2—3 շարքի բարձրություն ունեցող միակտոր քարերից, որոնք հենվում են որմնագոտին ընդհատող քառորդ գլանաձև պահուսկների վրա։ Դահլիճի ծածկի նախնական ձևի վերականգնության փորձը՝ ըստ թաղի պահպանված մասերի, թույլ է տալիս ասելու, որ այն լուծվել է երկկենտրոն կամարի սկզբունքով՝ Գանձասարի եկեղեցու գմբեթակիր կամարներին նմանվող եզրաձևով։ Դա առանձնապես ակնառու է դահլիճի արևմտյան լայնական պատին հաված կրկնաշարք թաղակիր կամարի եզրաձևում¹⁷ (գծ. 2, Բ)։

10 «Նոր բառերը Հայկազեան լեզուի», հ. առաջին, Երևան, 1979, էջ 603—604։

11 Ղ. Ալիշան, Սիսական, Վենետիկ, 1893, էջ 151, Հ. Ս. է փ ր Կ յ ա ն, նշվ. աշխ., գ. Ա, էջ 341։

12 Բ. Ա. Ուլուբաբյան, Խաչենի իշխանությունը X—XVI դարերում, էջ 176։

13 Նույն տեղում, էջ 188։



14 Շ. Մ. Միրոշյան, Լեռնային Ղարաբաղի պատմա-ճարտարապետական հուշարձանները, էջ 22, Ն. Մ. Պապուխյան, Չայրվող ծածկերով քանդարանների դերը և տեղը Հայաստանի հին և միջնադարյան ճարտարապետության մեջ, պատկեր 105։

15 «Դիվան հայ վիմագրության», պրակ V, էջ 74։

16 Նկատի առնենք ապարանքից ոչ հեռու գտնվող «Ռուզանաբերդ» կոչվող (հավանաբար, Հասան-Ջալալ իշխանի Ռուզուբան դստեր անունից) հնավայրի կիսավեր եկեղեցիները, բնակատեղիները, ընդարձակ գերեզմանոցը, տաբեր շենքերի քանդակազարդ բեկորները, խոյակները և այլն։

17 Հմմտ. Բ. Ա. Ուլուբաբյան, Գանձասար, էջ 128—129, տե՛ս լուսանկարները։

Հիշյալ դահլիճի և ապարանքից ոչ հեռու գտնվող նույնատիպ, բայց համեմատաբար մեծ շահիերի ու փայտածածիկ¹⁸ բնակելի սենյակի հատակաձևի ու համաշահիությունների ընդհանրությունից պետք է ենթադրել, որ իշխանական ապարանքի համար նախատիպ են հանդիսացել ժողովրդական բնակարանի ավանդական կառուցվածքային ձևերը, որը միջնադարյան Հայաստանի և, մասնավորապես, Արցախ-Սյունիքի պալատական ճարտարապետության



Գծ. 2. ա) Ապարանքի դահլիճի երկայնական կտրվածքը, բ) Ապարանքի դահլիճի և կից սենյակի լայնական կտրվածքը (շահիազրությունը և վերակաշմությունը հեղինակի)

հատկանշական կողմերից մեկն է: Խորշաձև բաժանմունքով սենյակի այդ տիպը հետագայում չի մոռացվել և գոյատևել է ուշ միջնադարում՝ մեխիբական ապարանքների հիմնական միջուկի՝ քարակերտ գլխատան կողքին: Այդպիսի լուծման հանդիպում ենք Հորս գյուղի¹⁹ ու Ջրարերդի մեխիբական ապարանքներում և այլուր: Դահլիճը, լինելով իշխանական տան հիմնական

¹⁸ Ն. Մ. Պ ա պ ու խ յ ա ն, Զայրվող ծածկերով բնակարանների դերը և տեղը Հայաստանի հին և միջնադարյան ճարտարապետության մեջ, էջ 334:

¹⁹ Ն. Մ. Պ ա պ ու խ յ ա ն, Սյունիքի ժողովրդական ճարտարապետությունը, Երևան, 1972, էջ 75:

մասը, իր հանդիսավոր ձևերով, ըստ երևույթին, ծառայել է նաև տոնախմբությունների և պաշտոնական ընդունելությունների համար²⁰։ Ուշագրավ է, որ դահլիճի պահպանված պատերին լուսամուտներ չկան։ Մ. Բարխուտարյանցը վկայում է, որ ճառհասարակ սակավ են լուսամուտները և փոքր²¹։ Հավանական է, որ դահլիճը լուսավորվել է չպահպանված հյուսիսային պատում իղած բակահայաց լուսամուտներով։

Դահլիճի հարավ-արևմտյան անկյունում մուտք կա դեպի մի այլ՝ նույն ձևով կառուցված ուղղանկյուն սենյակ, որը կից է հարավային պարսպապատին։ Ի տարբերություն դահլիճի, վերջինիս լայնական պատերի վերին մասերը ևս սրբատաշ են, իսկ արևելյան պատը մյուսների համեմատությամբ փոքր-ինչ քարակ է (0,9 մ). սա կարելի է բացատրել հարևան սենյակի գոյությունը։ Այդ սենյակի ավելի գործնական, կենցաղային բնույթի մասին են վկայում այստեղ պահպանված տարրեր չափի ու ձևի պատհանները, բուխարին։ Դահլիճի և այս սենյակի պատերի արտաքին մասերում ու պարսպապատերին կից երևում են ավերված պատերի որոշ հետքեր ու մնացորդներ։ Դրանց ուշագիտ քննությունը ցույց է տալիս, որ դահլիճի և կից սենյակի լայնության չափով, մինչև արևելյան և արևմտյան պարսպապատերը, եղել են ևս մի քանի տարբեր չափերի սենյակներ²², որոնք առաջինների հետ միասին բռնել են ամբողջ պարսպափակ տարածության մոտ կեսը։ Ցավով, պահպանված մնացորդներով հնարավոր չէ հստակ պատկերացում կազմել այդ սենյակների նախնական հորինվածքի մասին։ Ննթաղելի է, որ դրանք նույնպես եղել են ներսից սվաղված և քարաշեն ծածկերով։

Ապարանքում ուշագրավ է ամբողջ համալիրի գրեթե հյուսիսային կեսը բռնող բակը։ Այն ճշտորեն կրկնում է վերոհիշյալ խորշաձև բաժանմունքով դահլիճի հատակաձևը (ավելի խոշոր չափերով՝ մոտ երկու անգամ), միայն այն տարբերությամբ, որ այստեղ խորշը գտնվում է հյուսիս-արևմտյան մասում՝ հանդիպակաց դարպասի ուղղությամբ։ Խորշի հարավային պատի շինչին մնացորդները ծածկված են փլատակներով ու հողով, որի պատճառով էլ վրիպել են ավելի վաղ չափազորոնների ուշադրությունից²³։ Մինչդեռ այդ մնացորդներով է որոշակիություն ստանում քակի խորշաձև բաժանմունքի հատակաձևը, իսկ վերջինիս առկայությամբ պատճառաբանվում արտաքին պարսպապատի ուղղանկյուն ամբողջության խախտումն այդ հատվածում։ Բակի այդօրինակ լուծումը, անկասկած, կանխորոշվել է գործնական նպատակներով։ Ամենայն հավանականությամբ այն ծառայել է բազմամարդ ծխա-



Նկ. 1. Գանձասարի վանքի պարսպի հարավային դարպասը։

20 Թ. Թորամանյան, Նյութեր հայկական ճարտարապետության պատմության, հ. 1, Երևան, 1942, էջ 356. Մ. Վ. Բարխուտարյանց, նշվ. աշխ., էջ 181. հեղինակն այդպես էլ տեղանում է սենյակը. «ապարանիս մեջ ավելի ուշագրավ է ընդունարանն...»։

21 Մ. Վ. Բարխուտարյանց, նշվ. աշխ., էջ 181։

22 Նույն տեղում։

23 Ն. Մ. Պապուխյան, Չայրվող ծածկերով բնակարանների դերը և տեղը Հայաստանի հին և միջնադարյան ճարտարապետության մեջ, պատկեր 105։

ձևերում նկատելի է ուշ շրջանի ճարտարապետության գրոշմը (մուտքային բացվածքի լայնազեղ կամարը և այլն), այնուամենայնիվ, այն համոզիչ պատկերացում է տալիս քառորդ գլանաձև ելուսանների վերին մասի հորինվածքի մասին: Հավանական է, որ ելուստները իրար են կապվել երկկենտրոն կամարային թաղով, դրանով իսկ լրացուցիչ ամրություն հաղորդելով պարսպապատին:

Ապարանքի հորինվածքը թելադրվել է նաև ժամանակի սոցիալ-քաղաքական անհանգիստ իրադրությամբ, որն արտահայտվել է նրա սեղմ, համեստ չափերում ու պարփակ, ամրոցակերպ ձևերում: Պաշտպանական նպատակների են ծառայել ինչպես բոլորաձև, սնամեջ (գուցե և մի քանի հարկանի) բուրգերը³⁰, այնպես էլ զանգվածեղ դարպասը, հզոր պարիսպը և դրան կից սենյակների տանիքները:

Ապարանքի հատակագծային ու ժալալատարածական հորինվածքը միջնադարյան Հայաստանի պալատական ճարտարապետության մեջ ուրույն երևույթ է և նոր ապացույց բազմիցս նշված այն իրողության, որ պալատական ճարտարապետությունը Հայկական լեռնաշխարհում հնուց ի վեր խարսխվել է ժողովրդական ընակելի տան կառուցողական ավանդույթների վրա: Միաժամանակ այն պալատ-ամրոցի ևս մի օրինակ է և կարևոր վկայություն՝ երկրամասի ուշ միջնադարյան նմանատիպ հուշարձանների հնամենի արմատների մասին:

КНЯЖЕСКИЙ ДВОРЕЦ ХАЧЕНА

АРТАК ГУЛЯН

Резюме

Одним из древнейших памятников дворцового зодчества исторического Арцаха является княжеский дворец Хачена, развалины которого сохранились у селения Ванк Мардакертского района Нагорно-Карабахской автономной области. Исторические и другие источники, а также архитектурно-сравнительный анализ дворца показывает, что дворец был построен строителем знаменитого Гандзасарского монастыря—князем Хасан-Джалал Дола (XIII в.). Дворец является прототипом меликских дворцов-крепостей позднейшего периода и в своем архитектурно-планировочном решении сочетает композиционные приемы народного жилища и оборонительных сооружений эпохи.

³⁰ Հմմտ. Օ. Խ. Խալպախյան, Строительные особенности и декоративное убранство крепостей древней Армении, Архитектурное наследство, М., 1972, № 20, с. 109—125.